

سنه لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ٤٠ پاره در

# فکرانک

آبونه اولق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناک بهرندن بر مجیدیه اخذ  
ایدیلور

نسخه سی ٤٠ پاره در

هفته ده ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه به متعلقدر

## تجربیات

در سعادت بدایت محکمه سی اعضائی در سعادت  
استیناف محکمه سی اعضا ملازمین فضللو عثمان  
ساحب بکه

در سعادت بدایت محکمه سی اعضائی برنجی  
محکمه تجارت اعضا ملازمی عزتو صبری بکه  
در سعادت استیناف محکمه سی اعضا ملازمین  
در سعادت بدایت محکمه سی اعضا ملازمین عزتو  
سلیمان سری افندی به

برنجی محکمه تجارت اعضا ملازمین بک اوغلی  
بدایت محکمه سی مدعی عمومی معاونین عزتو  
محمد عارفی بکه

در سعادت بدایت محکمه سی اعضا ملازمین  
اسکدار بدایت محکمه سی استنطاق دائره سی ضبط  
کتبه سندن مکرمتو احمد توفیق افندی به

بک اوغلی بدایت محکمه سی مدعی عمومی معاونین  
محکمه تمیز جزا دائره سی ضبط کتبه سندن سعدی بکه  
مدلی سنجائی داخلنده کائن یره ناحیه سی بدایت  
محکمه سی ریاستی کسندیره قضاسی بدایت محکمه سی  
جزا دائره سی رئیس عثمان نوری افندی به

کسندیره قضاسی بدایت محکمه سی جزا دائره سی  
ریاستی خیاره قضاسی بدایت محکمه سی جزا دائره سی  
رئیس سابق ضیا افندی به

مدلی سنجائی داخلنده کائن قانونیه ناحیه سی  
بدایت محکمه سی ریاستی اشتب قضاسی بدایت محکمه سی  
جزا دائره سی رئیس سابق شوکت افندی به تفویض  
بیورلش ومومی الهمدن محلف اولیان توفیق افندی  
ایله سعدی بک «ذات شوکت» حضرت خلافتناهی به  
ودولت علیه لربه صادقانه ایضای حسن خدمت  
ایده جگرینه و خلاف ناموس و صداقت و مغایر عدالت  
حرکاتی ده ارتکاب ایله جگرینه دایر امر تحلیقلری  
بوکره اجرا قلمشدر .

وظائف مأموریتنی حسن ایفا ایلمکده اولسنه  
منی بک اوغلی بدایت محکمه سی مدعی عمومی

## تبدیلات

باش معاونی رفعتو اسماعیل حق افندی به رتبه نائیه  
توجیه بیورلشدر .

دین عابدین طولایی مرکز بدایت محکمه سی  
اجرا دائره سنجیه عرصه حالنده اولق اوزره مقدا  
جز اولنوب موقع مزایده به قوللش و مشتری  
عهده سنه حاله قطعه سی اجرا قلمش اولان محک  
الیوم بعض اشخاص طرفندن ابنیه انشاسیله ضبط  
واشغال ایلمکده و مشتری دخی بوسیدین ناشی  
احاله نك فسخی ادعا ایلمکده اولدیقندن بختله استفسار  
معامله بی متضمن آیدین ولایتی استیناف محکمه سی مدعی  
عمومیلاکندن وارد اولان شقه اوزرینه انجمن عدلیه دن  
تنظیم واعطا قلان مذکوره : ذکر اولان مرکز  
اجرا دائره سنجیه بالمزایده حاله قطعه سی اجرا قلان  
مذکور عرصه به اموال غیر منقوله نك صورت فروختی  
مبین اولان نظامنامه نك بدیجی ماده سنده کوسرلیدیکی  
اوزره اولاً مأمور مخصوص اعزامیله وضع بد  
ایلماش اولسندن ناشی محل مذکورک الیوم عرصه  
حالنده اولوب اولمدی اکلشامق سزین موقع مزایده به  
وضع ایلدیکی منفهم اولسنه کوره ذاتاً تعریفات  
قانونیه به موافق صورتده جریان ایتمان مزایده به  
مبتی اولان حاله قطعه نك انفساخی طبیعی وسندن  
رسمیسنک اعطاسیله تکمل ایتماش اولان معاملات  
مذکورہ دخی اشکاک عن الحکام طریقله مشتریسنک  
مسبیلرندن ضرر و زیان طایی حقنک محفوظیله برابر  
دائره اجرانک فسخه صلاحیتی بدیجی بولنش اولد .  
یغندن اولوجهله اقتضاسنک ایضای و بعد ازین احوال  
نمائنده بوکی مشکلات و موانعه تصادف ایلمامک  
اوزره موقع مزایده به قولیله حق اموال غیر منقوله  
حقنده اولاً وضع بد اصولنک جریانیه دقت واعتنا  
اولسنک ایجاب ایدلره اختاری افاده قلمشدر .

## محاکمات

طوس قریه لی صولاق اوغلی اسماعیل اتنای  
راهمه اوکنه چقه رق کندوسنی جرح و قود  
واشیاسنی اخذ و غصب ایتدکاری ادعا اولنسندن  
دولایی جنایتله اتهام اولان علی و هاشمک اوچر  
سنه مدتلره کورکه قونلرینه دایر طرزون ولایتی  
استیناف محکمه سی جزا دائره سندن ایکنجی دفعه  
اوله رق ویریلان ١٢١ نومرولی اعلام

کردبان قریه لی مصطفایی قتل و عثمانی جرح  
و جاسمک زوجه سنک طاس تعبیر اولنان کوشیدن  
معمول تپه لکنی سرقت ایتدیکی ادعا اولنسندن  
طولایی جنایتله اتهام اولنان عبدالکریم بن میرزانک  
اون بش سنه مدته کورکه قونلسنه دایر موصل  
ولایتی بدایت محکمه سی جزا دائره سندن ویریلان  
١٥٣ نومرولی اعلام

بیغانک دره جدید قریه سندن نصوح اوغلی  
خلیلک کیفیت قتلندن دولایی جنایتله اتهام اولنان  
قریه مذکوره اهالیسندن کوسه اوغلی محمدک اون  
بش سنه مدته کورکه قونلسنه دایر قلعه سلطانیه  
سنجائی بدایت محکمه سی جزا دائره سندن ویریلان  
٧٢ نومرولی اعلام

اطراف شهر ناحیه سنک پارق ویران قریه .  
سندن حاجی حسن اوغلاری ایکیز احمد و محمدک  
کیفیت قتلرندن دولایی جنایتله اتهام اولنان حسن  
بن بیرام و برادری حسین ایله عبدالرحمن بن یوروک  
حسنک اون بشر سنه مدتلره کورکه قونلرینه دایر  
کوتاهیه سنجائی بدایت محکمه سی جزا دائره سندن  
ویریلان ١٨٤ نومرولی اعلام

بایزید قصبه سی اهالیسندن ابراهیم افندیسنک  
خدمتکاری عثمان و رفقاسنک ماللرینک کیفیت  
غصبندن دولایی جنایتله اتهام اولنان قلندر بن علونک  
اوچ سنه مدته کورکه قونلسنه دایر بایزید سنجائی  
بدایت محکمه سی جزا دائره سندن ویریلان ١٢٣  
نومرولی اعلام



چال قضای اهالیسندن عمر اوسته اوغلی عثمانک انبارینک کلیدی قیره رق ذخیره سنی سرفت ایلدکری ادا اولمیسندن دولای جانیله اتمام اولتان ابراهیم اوغلی عثمان و خلیل اوغلی حسینک اوچر سینه مدترله کورکه قوتلیرنه دایر دکرلی بدایت محکمی جزا داتر سندن ویریلان ۳۵ نومرولی اعلام

افتخاری حیدر بن غلامک قتل اولمیسندن دولای جانیله اتمام اولتان شوراه قریه لی سعید بن الیاسک اون بش سینه مدترله کورکه قوتلیرنه دایر کرکوک سنجائی بدایت محکمی جزا داتر سندن ویریلان ۸۸ نومرولی اعلام

طاش کوری قضاسنک الاجه قواله قریه سندن افا اوغلی عبداللهمک اتای راهده معامله جبر و شدت اجراسیله بر دنگ قسدانی سرفت ایلدیک ادا اولمیسندن دولای جانیله اتمام اولتان تویسر عثمانک اوچر سینه مدترله کورکه قوتلیرنه دایر قسطنونی ولایتی استیفاف محکمی جزا داتر سندن ویریلان ۳۵۱ نومرولی اعلام

جهادینه قضای اهالیسندن بلان اوغلی شاکرک کیفیت قتلندن دولای جانیله اتمام اولتان صالح بن حسنک اون بش سینه مدترله کورکه قوتلیرنه دایر جانیله سنجائی بدایت محکمی جزا داتر سندن ویریلان ویریلان ۳۷۳ نومرولی اعلام

نازلی قضاسنک اینجه ناحیه سنده ساکن طواسلی عرب حافظ اوغلی احمدک کیفیت قتلندن طولای جانیله اتمام اولتان سلیمان خواجه اوغلی منلا محمدک اون بش سینه مدترله کورکه قوتلیرنه دایر آبدین سنجائی بدایت محکمی جزا داتر سندن ویریلان ۱۱۲ نومرولی اعلام

یکلین قضای اهالیسندن حاجی قالوطک کیفیت قتلندن دولای جانیله اتمام اولتان سید بن رمضانک اون بش سینه مدترله کورکه قوتلیرنه دایر ایلحصان سنجائی بدایت محکمی جزا داتر سندن ویریلان ۱۳۸ نومرولی اعلام

معموره العزیزه تابع حاجی حسینلر قریه سی اهالیسندن حسن بن علی بکک ماده قتلندن دولای جانیله اتمام اولتان قدیر بن حسینک اون بش سینه مدترله کورکه قوتلیرنه دایر معموره العزیز ولایتی استیفاف محکمی جزا داتر سندن ویریلان ۲۹۰ نومرولی اعلام

بولادین قضاسنک قریه ویران قریه سندن جریق اوغلی سلیمانک کریه سی عایشه یی ضرب و جرح ایلدیک ادا اولمیسندن دولای جانیله اتمام اولتان قریه مذکورده رمضان بن ولینک اوچر بقی سینه مدترله کورکه قوتلیرنه دایر قره حصار صاحب سنجائی بدایت محکمی جزا داتر سندن ویریلان ۷۹ نومرولی اعلام محکمه تمیز جزا داتر سنده تصدیق قلمشدر .

### ۴۲۰ نومرولی نسخده مندرج درسمادت جانیله محکمی اعلامنک مابعدی :

بینه محل مذکورده کائن قریه سی بکری یدی باشنده قسطنونی خلیل بن محمد دخی صباح نمازی جامه کیدر ایکن برکورتی ایشتمکله باقدیرنه ابراهیمک اتی متهم محمدک یقاسنده کوردیکنی افاده استطاقیه سینه موافق صورنده یاد ولدی الاستیضاح او انشاده مرقوم ابراهیمک متهم محمد ایچون کندوسنه اوردیقنی سوبلدیکنی و متهم محمدک همان اوردان صاوشدیقنی و شهادتی حاضر بولتان محمد حقده ایدوکنی ایراد ایلدی .

بوشاهدک دخی ذات و شهادته قارشو نه دیه چکی متهمدن صورلدقده سبب درمیان ایتیه رک قبول ایتیه چکی جوابنده بولندی .

متهم محمد طرفندن مدت قانونیه سی طرفنده جابلیری باعریض حال استدعا و مدعی عمومیله اسملرینک امر تبلیغی اجرا قلنان مدافعه شاهدلری اولوب دعوت واقعه ایتاباً ورود ایتدکری خبر ویریلان کسان دخی برر برر حضور محکمه یی چیقاریلیرق طرفنه برکونه قرابت و مناسبت و خصوصتلی اولدیقنی لدی السؤال سوبلیرلی علی الاصول امر تحلیقاری بعدالاجرا مفرداً و مواجهه استماع اولدقارنده بولردن غلطه ده بالی بازاری حماللر کیسه دار و بازیمچیسی بکری بش باشنده خر بوطلی عمر افندی ابن حسن برکجه قهره خانه دن جامه کیتمکده ایکن متهم محمد بالی بازاری اسکله سنده راست کلدیکنی و کچن رمضان شریفک خاطرند قالدیقنی برکونسده ابراهیمک متهم محمد طرفندن جرح ایلدیکنی ایشدیکنی و مرقوم محمدی قهره خانه ده کوردیکنی و عرب جامی جهتندن کلورایکن مرقومه مذکور اسکله ده راست کلدیکنی والنده صوباکچی برشی کوردیکنی تذکار ایلدی .

مذکور اسکله ده حمالق ایدن اون بدی باشلرند خر بوطلی نعمان بن رشید کچن رمضان شریفک اون

ایکینجی و یاخود اون اوچنجی کیجه سی صباحلین متهم محمدک قهره خانه به کلکله اوراده یانان قهره سی به سن قاتی بن یانه جنم دیرک باندیقنی و بشقه کیجه کوردیکنی و ابراهیمک مجروح اولدیقنی دخی ایشتمدیکنی اخبار ایلدی .

بینه مذکور اسکله ده حماللر قهره خانه سنده بکری اتی باشنده زعفرانیولی عثمان بن حسین دخی اسمنک خاطرند قالدیقنی رمضان شریفک اون اوچنجی کونی صباحه قارشو سحورددن صکره بتاغی اوزرند اوطورمقده ایکن متهم محمدک قهره خانه سینه کلوب باندیقنی و اوکونی ابراهیمک جرح ایلدیکنی ایشدیکنی درمیان ایلدی .

مدافعه شاهدلرینک شهادتلی ختام بولدیجه دخی ذات و شهادتینه قارشو نه دیه چکی متهمدن صورلدقده دیه چکی اولدیقنی سرد ایلدی .

حقوق عمومی شاهدلرندن سلیم اوغلی محمدایله چانی اوغلی اسماعیلک بولنه مدقلری جلبنامه لری زیرنده کی شرحدن اکلاشلغمه مطالعه سی صوریلان معاون مومی الهیک طلی و جیهله مرقومان حقارنده تحری مذکره سی تسطیرنه قرار ویرلدیکنی و بعض کسانک دخی اظهار حق مدار اولوق اوزره جابلیری جانب ریاستدن تنسب ایلدیکنی ملباسه سیله محاکمه کنه یوم آخره تعلیق قلندیقنی طرفینه اکلا دیلوب سنه مرقومه جزیرانک بکری بشنجی کونی متهم مرقوم علی الاصول توقیفخانه دن کتوردیلیرک وکیل و معاون مومی الهیما و مدعی شخصی ابراهیم حاضر اولدقاری حاله محاکمه سالونه چیقیلیرق محاکمه علنیه اجراسنه مداومت اولندی .

اظهارحقه مدار اولوق اوزره جلب واستاعی تنسب قلنان کسانک دعوت واقعه ایتاباً ورود ایشدکری خبر ویرلمکله برر برر حضور محکمه یی چیقاریلیرق لدی السؤال طرفنه برکونه قرابت و مناسبت و غرض و خصوصتلی اولدیقنی اکلاشلغمه اختارات لازمه قانونیه بعد الایفا مفرداً و مواجهه استماع اولدقارنده بولردن غلطه ده بالی بازارنده قایمچی کتخداسی ایدوکنی سوبلیان قرقبش باشنده طرزونی احداثدی ابن محمود کندوسنک وقعه دن معلوماتی اولوب اتحق متهم محمدک ابراهیمی ضرب ایشدیکنی ایشدیکنی و وقعه دن اوچ درت ماه مقدم مدعی ابراهیمک کندوسنه مراجعتله متهمک یدی اجددن شکایتده بولندیقنی سرد ایتدی .

متهم محمد دیه چکی اولدیقنی سوبلدی . محل مذکورده قایمچیلق ایدن الی بش باشنده ریزه لی حاجی حسن بن خلیل برکون قهره خانه ده

اوطورمقده ایکن مدعی ابراهیمک برلکده کتخدایه کیتلیرنی تکلیف ایتیمی اوزرینه کیتدکرنده مرقوم ابراهیمک کتخدایه خطاباً تذکره سی یاپ مملکتسه کیده چکم چونکه محمدن قورقارم دیمکله کتخدایه دخی کندوسی تنیه ایده چکندن بختله کیدوب ایشنه دوام ایتیمی لزومی درمیان ایتدیکنی و برمدت صکره ابراهیمک محمد طرفندن ضرب ایلدیکنی ایشدیکنی و دیدیکنی محمدک حضور محکمه ده کی متهم ایدوکنی یاد ایلدی .

متهم سبب درمیان ایتیه رک قبول ایتیه چکی سوبلدی .

بینه محل مذکورده قایمچیلق ایشدیکنی بیان ایدن الی باشنده طرزونی یوروک محمد بن خلیل وقعه نک صورت جریانی کورمبوب اتحق ابراهیمک محمد طرفندن ضرب ایلدیکنی ایشدیکنی و وقعه دن صکره برکون قهره خانه اوطورمقده ایکن متهم مرقومک یدی احمد افا بالورود کتخدایه کیتدم بر ایرادن بولیرایه قدر صرف ایت چوجقمی قورنار دیدم دیوسوبلدیکنی اخبار ایتیمکله مرقوم احمد افانک سامعین میاننده بولندیقنی اکلاشلغمه حضور محکمه یی یالجب خصوص مذکور استیضاح اولدقده کتخدایه اوله کلامده بولیموب برکفالتله تخلیه ایتیمی سوبلدیکنی تذکار ایلدیکندن شاهد بوروک محمد ایله عندالمواجهه هریری افاده سنده اصرار ایلدی .

بوشاهدک ذات و شهادته قارشو نه دیه چکی متهمدن صورلدقده اسباب درمیان ایتیه رک قبول ایتیه چکی جوابنده بولندی .

بینه محل مذکورده قایمچیلق ایله اشتغال ایدن اوتوز اتی باشنده قسطنونی سلیمان چاوش بن محمد والی باشنده قسطنونی بولس چاوش بن محمود و قرق بش باشنده زعفرانیولی صادق بن حسین ایله قرق اتی باشنده و بسل چاوش بن حسین دخی مفرداً متهم محمدک ابراهیمی ضرب ایشدیکنی شوندن بوندن ایشدکری درمیان ایتدیلر .

متهم محمد کندوسی ضرب ایتدیکنی سوزنی تکرار ایتدی .

اظهار حق شاهدلرندن اسماعیلک بولنه مدیقنی و کترین اوغلی محمد ایله ولی چاوشک مملکتلیرنه کیتدکری جلبنامه لری زیرنده کی شرحدن اکلاشلغمه جانب ریاستدن مرقوموندن اسماعیل و محمدک جلب واستاعندن فراغت اولندیقنی و ولی چاوشک استطاقیه ده مندرج افاده سنک اظهارحقه مدار اولوق اوزره قرائت ایشدیرلی تنسب ایلدیکنی طرفینه اکلا دیلیرق مذکور افاده نامه او قوتدیرلدقده

وقعه کیجه سی مدعی ابراهیمک باشندن قان افقده و متهم محمدی یقاسندن طومقده بولندیقنی حاله فریاد ایتدیکنی و متهم مرقومک فرار ایتیمک ایشتمدیکنی کوردیکنی خصوصاتندن عبارت بولمقده نه دیه چکی متهمدن صورلدقده سبب درمیان ایتیه رک قبول ایتیه چکی سوبلدی .

حقوق عمومی شاهدلرندن اولوب حقارنده تحری مذکره سی ویریلان سلیم اوغلی محمد بن ابراهیم ایله چانی اوغلی اسماعیل بن امینک بولنه مدقلری اکلاشلغمه مطالعه سی صوریلان معاون مومی الهیک طلی و جیهله افادات مختلفه استطاقیه لرینک قرائته دایر ویریلان قرار بعد التفهم مذکور افاده نامه لر دخی او قوتدیرلدقده بولردن محمدک وقعه کیجه سی خانک قیوسنده ابراهیمک باشی جرح ایتدک دیه رک متهم محمدی یقاسندن طومش اولدیقنی کورمکله قریق ایتدیکنی واسماعیلک دخی ابراهیمک باشندن دم جریان ایتدیکنی و بی نیچون جرح ایتدک دیدیکنی حاله متهم محمدی یقاسندن طومش اولدیقنی کوردیکنی و متهم مرقومک اوردان فرار ایتدیکنی درمیان ایتش اولدقاری اکلاشلدی .

قرائت اولتان اشبو افاده نامه لر قارشو دخی نه دیه چکی متهمدن صورلدقده سبب درمیان ایتیه رک قبول ایتیه چکی جوابنده بولندی .

( مابعدی کله چک نسخیه )

روزه نک مجروحیتنه سببت ویردیکنی ثابت اوله میان لازارینک برائته

اریغی ضرب ایتدیکنی ثابت اوله میان انکلونک برائته

صلتانیه ضرب ایتدیکنی ثابت اوله میان نعمان افندینک برائته

صلاح الدین افندی ضرب و جرح ایتدکری اصولاً ثابت اوله میان اسماعیل و مصطفانک برائتیرنه امین افانک یا قومی به شهر سلاح ایلدیکنی ثابت اوله مدیقندن برائته

فتیحی جرح ایلدیکنی ثابت اوله میان داویدک برائته

صوفی ضرب ایلدیکنی ثابت اوله میان انشتاشک برائته

میخائیل اطاله لسان ایلدیکنی ثابت اوله میان آدینک برائته

دسپانی ضرب ایلدکری ثابت اوله میان قلازله ایله نسیمک برائتیرنه

حسن خانی ضرب ایلدیکنی ثابت اوله میان بیکناز خانک برائته

ماریفه یی ضرب ایلدیکنی ثابت اوله میان فروصو قادنیک برائته

احمد ایله زوجیه سی مروت خانی ضرب ایلدیکنی ثابت اولان احمدک برآی حبسنه و ایکی آلتون آلتوب برر لیرا مضروبله اعطاسنه

محمد رفعت افندی به محل ناموس سوزسوبلدیکنی ثابت اولان یورکیدن یارم آلتون جزای نقدی اخذینه حسین اغایه اطاله لسان ایلدیکنی ثابت اولان مصطفی افندی یارم آلتون جزای نقدی اخذینه مارقونی ضرب و بولس مصطفی افندی به اجرای مأموریت حالده حقارت ایلدیکنی ثابت اولان اورامک اون کون حبسنه

والده سی دسپانی ضرب ایلدیکنی ثابت اولان مانولدن ایکی آلتون آلتوب مضروبیه اعطاسنه

فیلولی ضرب ایلدیکنی ثابت اولان ارداشندن ایکی آلتون آلتوق مضروبیه اعطاسنه

یاسنی ضرب ایلدیکنی ثابت اولان ایلیانک برهفته حبسنه

مفردیمک زوجیه سینه محل ناموس سوزسوبلدیکنی ثابت اولان ماریفه دن بر آلتون جزای نقدی اخذینه بکچی محمد اغایه اطاله لسان ایلدیکنی ثابت اولان حسن افندی بر آلتون جزای نقدی اخذینه

آتیقه و دیمتری به اطاله لسان ایلدیکنی ثابت اولان یوسف افندی اون بش کون حبسنه

قوزمه یی ضرب و جرح ایلدیکنی ثابت اولان علقودن بریجی آلتون آلتوق مضروبیه اعطاسنه

اسقویجی جرح ایلدیکنی ثابت اولان مصطفانک اون بش کون حبسنه

قوجوی ضرب ایلدیکنی ثابت اولان جمال افندی بر آلتون آلتوق مضروبیه اعطاسنه

خالدک اتحق سنی سرفت ایتدیکنی ثابت اولان تیورچی حاکمک بش ماه حبسنه و ختام مدت جزاییه

سند ضابطه جه کفالت آتته آلتسنه

قائینه یی جرح ایتدیکنی ثابت اولان قهره سی میحانک اوچ ماه حبسنه و ایکی آلتون آلتوق مجروحیه اعطاسنه

یورکی ضرب ایتدیکنی ثابت اولان لوقدن بر آلتون آلتوق مضروب مرقومه اعطاسنه

عاده خانی اطاله لسانه برار ضرب ایتدیکنی ثابت اولان بیکناز خانمک ایکی آلتون آلتوق مضروبیه اعطاسنه

یکدیگرله مضارب ایتدکری ثابت اولان کورچی مارقو ایله میخاک برر هفته مدترله حبسلیرنه

کر قوری ضرب ایتدیکنی ثابت اولان نیقولیدن بر آلتون آلتوق مضروبیه اعطاسنه



اسرائيله طاش اتدینی ثابت اولان حال ایلیادن  
الهی بشلک جزای تقدی اخذینه  
رجلینه نك ساعتی سرقت ایلدیکی ثابت اولان  
طناشك دوت ماه حبسنه و ختام مدت جزایه سنده  
ضابطه جه کفالته ربطنه وساعت بدلی اولقی اوزره  
طقسان غروشك بالتحصیل مشتکی مرقومه اعطاسنه  
درسعادت ، بك اوغلی و اسکدار بدایت محکمه لری  
جزا دائره لرجه قرار ویرلمشدر .

## مجازات اتدینیه

بغداد ولایتی استیناف محکمه سی اعضا سنندن  
عبداه سلیم و یعقوب افندیلرک خلاف قانون مقررات  
اعطاسنه اجتناسار ایتدکری ولایت مذکوره استیناف  
محکمه سی مدعی عمومیلکندن وارد اولان اوراق تحقیقه  
مندرجانندن اکلاشللمسینه مبنی محاکمه آلتنه التملرینه  
عدلیه نظارت جلیله سنندن مأذونیت اعطا و باش  
مدعی عمومیلک مأموریت بهیه سننه تبلیغات مقتضیه  
اجرا قلمشدر .

## اعلامات

درسعادت استیناف مدعی عمومیلکندن :

کر قوری ضرب ایله تعطیل عضوینه سببت  
ویردیکی اداسیله مظنون علیه اولوب غیر موقوف  
بولنان اوزون بویلی ، سیاه صاج و قاشلی ، کستانه  
رنکی بیقلی ، الا کوزلی ، بیوجک برونی ، مادتا  
اغزلی ، مطروش چکلی قاضی کوینده قره یانی  
باغچه سنده میخانه جی قسطنیک خانه سنده ساکن شار  
کویلی اوتوزبش یاشنده یواکیم ولد مانول چاچاقونک  
اصول محاکات جزایه قانوننک مواد مخصوصه سی  
احکامنه توفیقاً جنایت محکمه سنده محاکمه سی اجرا  
قلمق اوزره قانون جزانک یوزتمش یدنجی ماده سی  
موجبجه جنایتله اتهامنه قرار ویرلدیکندن متهم  
مرقومک هر زرده کوریلورسه طوتیلوب محکمه  
مذکوره توقیفخانه سنه تسلیمی لازم کله جکی بالجمله  
ضابطه عدلیه مأمورلرینک معلومی اولقی اوزره  
اشبو اخذ و گرفت مذکره سی درسعادت هیئت  
اتهامیه سنندن بالتظیم اعطا قلمدی .

بیک اوچیوز یکریمی بر سنه سی مایسنک یدنجی  
کونی اقسامی صماتیه ده قیوجی ارنی قتل قصدیه  
جرح ایلدیکی اداسیله مظنون علیه اولوب غیر

موقوف بولنان اورته بویلی ، قیر بیق و صفالی ،  
سیاه صاج و قاشلی ، الا کوزلی ، ایریجه برونی ،  
اوفق اغزلی صماتیه ده قوله لی جاده سنده آیا یورکی  
زقاغنده یکریمی طقوز نومرو لی خانه ده ساکن قرق  
طقوز یاشنده قیوجیلقی ایدن قارنیک ولد مغردیچک  
اصول محاکات جزایه قانوننک مواد مخصوصه سی  
احکامنه توفیقاً جنایت محکمه سنده محاکمه سی اجرا  
قلمق اوزره قانون جزانک یوز سکسانجی ماده سی  
موجبجه جنایتله اتهامنه قرار ویرلدیکندن متهم  
مرقومک هر زرده کوریلورسه طوتیلوب محکمه  
مذکوره توقیفخانه سنه تسلیمی لازم کله جکی بالجمله  
ضابطه عدلیه مأمورلرینک معلومی اولقی اوزره اشبو  
اخذ و گرفت مذکره سی درسعادت هیئت اتهامیه سنندن  
بالتظیم اعطا قلمدی .

مدعی سنجایی تجارت محکمه سنده :

مدعی یافله قریه سی اهالی سنندن و تبعه دولت  
علیه دن پنا بوط پایا طودوری امضاسیله ویریلان دعوی  
عرضاننده مدعی علیه مدلولونک یافله قریه سنندن  
وروسیه دولتی تبعه سنندن اولوب الیوم اقامتکاهی  
مجهول آپوستول مالباقه زافیریو نام کمنده ایکی  
بیک الی یوز اوتوز بر ییحق غروش آلاجنی اولدیقندن  
بجمله علی الاصول جلیله بالحا که مبلغ من بورك تحصیلی  
طلب اولمغله مدعی علیه مرقوم نامنه املا و محکمه  
دیوانخانه سننه تعلیق قلنان دعوتنامه ده دخی مصرح  
اولدینی اوزره سنه حالیه شهر کانون اولنک اون  
ایکنجی بازار ایرتسی کونی ساعت یدی ییحق راده لرنده  
امر محاکمه لرینه مبادرت اولنه جفندن یوم مذکوره  
مدعی علیه مرقومک کندوسی ویا وکالتنامه رسمیه  
ایله وکیلی مدلولو سنجایی تجارت محکمه سننده اثبات  
وجود ایتز ایسه محاکمه سنک غیباً اجرا قلمسه جفی  
اعلان اولنور .

درسعادت اعمومات نظامیه اجرا دائره سنده :

محمد صالح افندیکنک حاجی حسین حسنی افندی  
ذمتنده محکوم به اله جفندن طولانی قطار جیلرده  
صاری تیمور محله سنده قره غولخانه زقاغنده قبله  
چشمه سی جاده سنده تخمیناً یدیوز اوتوزبش آرشون  
عرصه اوزرینه مبنی ایکی قات اوله رق مع حولی  
اوزانلی اوطه و آلتنده سکز بودورومی و حولیسنده  
بر عدد فرنک طلومبه سی حاوی [ حاجی حسین خانی ]  
دیملکه معروف یکریمی ایکی نومرو لی خان وایکیوز  
الی ایکی آرشون عرصه اوزرینه مبنی و فوقسنده

بر باب اوطه سی محتوی مکرر الی اوج نومرو لی  
بش باب دکان و مذکور دکانلرک آرقه سنده تخمیناً  
ایکیوز اوتوز آرشون باغچه سی حاوی مکرر الی اوج  
نومرو لی عرصه و قره غولخانه زقاغنده تخمیناً ایکیوز  
اوتوز ایکی آرشون عرصه اوزرینه مبنی بر باب مغازه  
مع اوطه ایله آروجه قبولی و مغازه نك فوقسنده  
دوت باب اوطه و بر صوفه و بر تراچه و بر فرنک  
طلومبه سی حاوی یکریمی ایکی یه مقلوب مکرر الی  
اوج نومرو لی مغازه ایله سالف الذکر خان و مشتملانی  
مجموعنک نصف حصه لری عند المزایده ایرای عثمانی  
یوز غروش حسابیه التمش بش بیک غروشه طالبی  
عهده سنده تقرر ایدرک موقه قرار داده سی کشیده  
قلمش اولدیقندن یوزده بش ضم ایله طالب اولانلرک  
ودها زیاده معلوت آلمق ایستیانلرک پی الحقه لرینی  
مستصحباً اوتوز بر کون ظرفنده دائره اجرا  
مراجعت ایلری درسعادت اعلامات نظامیه اجرا  
دائرة سنندن اعلان اولنور .

آرتین کورجیان افندیکنک یوصف شطوب  
افندی ذمتنده آلاجنی اولان مبالغت مدیون مرقومک  
عهده تصرفنده اولوب مرهون و فروختی محکوم بولنان  
ایازمه قیوسی خارجنده ایازمه زقاغنده طوغله جیلرده  
واقع فوقنده بیکار اوطه لرینی مشتمل اوج باب  
مغازه ده کی ربع حصه نك فروختیه ثمتندن استیفاسی  
حقنده مدعی مومی الیه طرفندن درسعادت بدایت  
محکمه سی ایکنجی حقوق دائره سنجه اقامه اولنان  
دعوی و جریان ایدن محاکمه نتیجه سننده مرهون  
مذکورک فروختی ۳ تموز سنه ۳۲۱ تاریخ وایکیوز  
سکسان الی نومرو لی اعلام وجاهی ایله محکوم  
بولمسنه و محکوم علیه یوصف شطوب افندیکنک  
اقامتکاهنک مجهول بولنسی جهتیله غزته لرله بعدالاعلان  
اعلام مذکورک بر صورت مصدقه سی محکمه دیوانخانه  
سنه تعلیق اولمق صورتیه تبلیغ اولدینی اکلاشللمسینه  
والیوم مرقومک محل اقامتی مجهول اولدینی بیسان  
اولمسنه بناء اجرا قانوننک یکریمی طقوزنجی ماده سی  
موجبجه تاریخ اعلاندن اعتباراً طقسان بر کون  
ظرفنده مرقوم یوصف شطوب افندیکنک اثبات  
وجود ایتسی و ایتدیکی حالده مدعیکنک طلبیه حکم  
و اعلامک اجرا قلمه جفی درسعادت اعلامات نظامیه  
اجرا دائره سنندن اعلان اولنور .